

上杭縣志卷二十四

鹽法志 民食鹽附

丘 復纂

此志應列賦稅志後因新補纂前卷已印爰列各志之末

舊志不詳鹽法鹽於民食與穀並重稍一缺乏卽有淡食之憂故歷代國庫皆視爲歲入大宗而其所產因地而異蜀有鹽井晉有鹽池管子強齊則煮海爲鹽今之淮海一帶皆倣其遺制閩粵瀕海則不用熬煎而用日曬汀不產鹽杭自唐設場至宋升縣食鹽之制於唐無考宋制閩之上四州延劍汀邵行官賣鹽法下四州福泉漳化行產鹽法宋史食貨志下汀則長寧清食福鹽杭武連食漳鹽府志顧福則灘流險峻漳則山路崎嶇轉運維艱沙石淆雜官賣抑配價復昂貴民食不便以接近潮循爭食私鹽宋史食貨志云汀與虔接二州

上杭縣志 卷廿四

鹽法 心

一

上杭縣文書局承印

民多盜販廣南鹽以射利每歲秋冬田事纔畢恒數十百爲羣持甲兵往來虔汀漳潮循梅惠廣八州之地所至與巡捕吏卒格鬪至殺傷吏卒則起而爲盜嘉祐以來或請商販廣南鹽入虔汀所過州縣收算或請放虔汀漳循梅潮惠七州鹽通商或謂第歲運淮南鹽七百萬斤至虔二百萬斤至汀民間足鹽寇盜自息或請官自置鋪役兵卒運廣南福建鹽至虔汀論者不一江西提點巡檢蔡挺令民首納私藏兵械而販黃魚籠挾鹽不過三十斤徒不及五人不以甲兵自隨者止輸算勿捕緝是減侵盜之獎鹽遂差善異時汀州人欲販鹽輒伐鼓山谷中召願從者與期日率常得數十百人與俱行至是州縣督責者保有伐鼓者輒捕送盜販者稍稍畏縮食貨志中然終不能息也熙寧四年詔福建路蹇周輔度利害周輔言上四州官賣鹽

價苦高上四州舊鹽價賤故盜多販賣於鹽貴之地異時建州嘗計民產賦錢買鹽而民憚求有司徒出錢或不得鹽今請罷去頗減上四州鹽價募上戶為鋪戶官給券定月所賣從官場買之如是則民易得鹽盜販不得規厚利復立盜販重法行之賣額歲增而鹽官數外售者不預焉元豐二年賈青提舉鹽事請自諸州改法酌三年之中數立額又請捕盜官獲私鹽多者論賞不限常法三年青上所部賣鹽官吏歲課比舊額增羨詔褒賞之實則以鹽抑民為鹽戶民甚病苦經御史揭奏周輔青皆坐掙克食貨下神宗聞閩中患苦鹽法思變革之適邵武人黃履知制誥母憂服除至京上問之履以為便遂不復革八年汀州鹽寇肆掠乃特除方嶠知汀州平之長汀志此皆北宋時鹽弊也乾道四年二月罷福建路賣鈔鹽獨轉運司歲

上杭縣志 卷廿四

鹽法志

二

上杭縣文書局承印

發鈔鹽錢十五萬緡

宋史本紀

詔以建劍汀邵四州軍科賣官鹽騷

擾民戶故盡罷並蠲免之部令今後州縣不得更以賣鈔鹽為名依

前科數騷擾

通鑑

淳熙十三年減汀州鹽價歲萬緡

孝宗紀

長汀志

謂此汀食潮鹽所由來非也時趙汝愚

四川安撫制置使

言汀州

民多貧而官抑配視他州尤甚乞以汀州為客鈔事下提舉及汀州

守臣均謂不可行惟裁減本州并諸縣合輸內錢而嚴科鹽之禁庶

幾汀民有瘳復下轉運趙彥操等措置裁減汀州六邑歲減於民者

三萬九千緡有奇減於官者一萬緡有奇所補州用又在外蓋上四

州財賦絕少所恃者官賣鹽耳下四州瀕海諸郡計產輸錢官給之

鹽以供食其後遂為常賦而民間不復請

鹽貨下

是上下四州鹽法

各異汀之得減鹽價在民歲三萬九千緡在官歲萬緡實由趙忠定

一言啓之仁人之利溥哉惟是朝廷未嘗不念汀民困苦叠次減免並詔上四州有尙敢違法計口科抑者監司按劾以聞然山多田少賦稅不足供州縣上供等錢銀不得不悉取辦於賣鹽俱詳食當時汀州食鹽之苦害如此杭亦汀州六邑之一也而舊志絕不一載嘉定中真德秀嘗奏鹽法乃致寇之源緣福鹽溯流而至南劍又自邵武溯流而上汀州其搬運甚難故鹽到汀州不勝其淆雜不勝其貴所以汀人食私鹽自循梅潮漳來頗近又潔白價又廉故汀人每至冬春間千百爲羣輿販而行劫官司遣人追捕輒拒捍殺人西山文集得聖文忠似專爲長寧清言若杭則本食漳鹽也不知杭於是時未分設永定雖南與漳毗連然距產鹽之地尙遠又無水路可通潮州雖隸廣南實一水之便杭人之食私鹽必販自潮蓋自熙寧間杭運

上杭縣志 卷廿四

鹽法志

三

上杭縣文書局承印

漳鹽十船船六十籬官給綱本至漳買之舊志河稅趙編排人戶分

四等給賣每觔賣九文府志嘉定六年知州事趙崇模請改運潮鹽

舊志此爲汀食潮鹽之始宋史不載然未爲定制自紹定後戶口凋

耗憑甲長請鹽分賣府志五年知州事李華以杭潮接壤私販旁午艱

於發賣申請復運潮鹽逐年止就潮州龍潭口買三綱每綱千七百

觔舊志長汀等縣自潭口納稅過上杭者縣官檢覈方至州交納

綱十船共四百籬籬二十貫內取籬頭四百八十一貫九百三十四

文錢會各半以贍學府志此爲杭收河稅之始杭之食鹽見於志者僅

此然因志河稅而及之非特載也元代無考明代食鹽據永定志道光

問田賦附徵云明初男成丁女大口歲給鹽三升徵米八升不成丁

小口半之天順間因鈔法不行罷米徵鈔每口以四升折鈔三貫四

升折錢六文弘治元年通折以銀鈔一貫折銀三釐錢七文折銀一分又鹽課云明初計口給鹽納米入官開邑時已納米如故而鹽不給俱見賦志永爲杭分設杭與永固無異也萬曆六年每丁口派食鹽課銀一分九釐五毫零不論紳衿士庶男丁女口皆計口食鹽而食鹽課口之賦遂載入賦役全書戶志然亦僅志鹽課而食鹽之運賣未詳也舊例召商中給引廣鹽蓋商販也萬曆後有官有商汀州非行鹽額地聽民從便貿易志永清初祇水客小販自運自賣在官無督銷之考成在民亦無計口授鹽之額數康熙三十一年始設鹽差專理漕政三十二年粵鹽院沙檄有改引以除積弊之議將原額大引照依准例改爲十小引裁去水客革除軍餉額餉包稅餘鹽等名色郡守鄢翼明因事關創始未敢遽定至三十四年四月粵鹽院巴知

上杭縣志 卷廿四

鹽法志

四

上杭縣文書局承印

照汀屬八邑共派額引四萬七千八百道然無專商運賣仍歸水客繳程銷引四十五年長志作七志粵撫范時崇兼理鹽政更定鹽法題請召募土著各邑始有專商嗣因餘費之名革而復設場商無力養竈鹽半走私埠商無力行運引多壅積五十七年總督楊琳以商既乏本地多買私且舊欠繁重鹽田荒廢發帑給竈收補修復建造倉棚揀員督曬緝私並據衆商公議將舊欠攤入鹽價分年帶征弊仍未除雍正二年改歸兩廣總督專管總督孔毓珣以商誤課病民將汀屬額引六萬六千七百八十四道改爲官運官銷八縣協辦知府彙總其成每年知府出具印領自備鹽價水脚赴潮州陸續領鹽運回按八縣通融銷售務足三萬九千九百三十七兩零之課額並設潮州運同一員專司盤掣乾隆元年御史甄之璜條奏各處官銷地方仍

召商認辨二年始復歸商辦無如各商乏本公私積欠遇解餉向子
店告貸因而挾制分鹽高擡壟斷長府志參是年奉部咨查行鹽地方
可否就鹽地遠近改易清歸連永四縣詳請改銷閩鹽福建鹽道高
元崑據上杭縣議覆以連清歸等縣改配閩鹽歲虧河稅銀二百五
十兩五錢零長汀代銷清歸等邑鹽斤缺稅銀六百一十九兩八錢
零詳請仍配潮鹽其議遂格不行連城志永鹽雖與上杭河稅無涉亦
概寢永定志至汀屬八邑額引康熙三十四年共四萬七千八百道雍
正二年共六萬六千七百八十四道俱見嘉慶以後成數可考者原
三萬七千八百五十五道零現存二萬一千二百三十七道零長汀志
長志修於光緒初年是據光緒初現額也每引二百五十道發水程
一張徵鹽價八十兩二錢九分一釐六毫雜費銀四兩五錢八分六

上杭縣志 卷廿四

鹽法志

五

上杭縣文書局承印

釐五毫每引徵餉費銀五錢九分八釐零長汀志按潮橋鹽引額每鹽
一十五觔爲一釐每十釐爲一分每十分爲一隻每十隻爲一河每
三河九隻一分六釐爲一票亦曰一程按上言發水程一即張故名計鹽五萬八
千七百五十觔每一票折引二百五十道每引計鹽二百三十五觔
永定志上杭額引一萬九百六十七道九分七釐九毫額餉六千五百
五十八兩九錢三分九釐零府志此爲雍乾間之額數其後如何莫
得而詳潮鹽發帑官收運廣濟橋配埠並聽海陽等七縣埠商告折
菜漁引鹽赴兌上杭埠運鹽限期三十八日府志上杭設埠於黃泥瀾
埠商何人承領莫詳惟縣鹽商李飛涓接商軒峯市義學捐銀申詳
知府舒寧安交與領放府志此鹽商之僅見於乾隆志者其後峯市
多設鹽館因商多虧欠經官陸續收回至光緒中完全官辦矣改革

以後汀梅埔人士力爭自由采辦已經核准長連各縣皆集公司向鹽場采買而杭商無有焉經濟匱乏足見一斑自是黃坭壠鹽埠遂廢杭向有民食鹽一項舊志未詳此項民食鹽長汀亦有之長志載每年民食鹽內銷三十六程設立篷頭每月三期領鹽運赴各坊公所協全約地按照戶口冊散賣康熙二十七年間部定每觔賣銀八釐三毫照當時錢價每觔應賣錢十一文內撥一文爲篷頭等工伙之資迨嘉慶二十四年兩廣總督阮奏准潮橋二十九埠鹽價每觔增價銀七釐五毫連前定價合共賣銀一分五釐八毫奉部議定價銀折算每觔賣錢十六文

按長志附載阮督咨戶部咨照部定銀每紋銀一兩合制錢一千文 內仍撥一文爲篷頭等工費現今無異其餘程俱銷江販由子店代商發賣商埠輸納餉額向該粵省造報與本省無涉據長志所載如是僅

上杭縣志 卷廿四

鹽法志

六

上杭縣文書局承印

言每期由篷頭領鹽運赴各坊散賣亦未詳其由來惟附載光緒五年增入督學孫扎內據長汀紳衿呈稱在城十三坊及附郭五坊塘向有民食約鹽一款每月向鹽埠領鹽八十八隻月分三期發賣自明迄今歷辦數百載無異咸豐二年鄰封寇警丁縣主練勇守城當將此款暫停發賣向埠折價酌中每期折銀六十二兩八錢八分三釐一月三期共銀一百八十八兩六錢五分權作練勇經費迨同治元年胡前陞府裁撤練勇於三期內抽出一期爲在城各坊士子鄉會闡費長俱見是項民食鹽向埠領運不特不用繳價且可向埠折價領銀究其起原如何仍未詳也據長汀父老相傳云起於明王文成公流通汀贛鹽米故其呈文中亦言自明迄今無異吾杭民食鹽事同一律每年若干程已無可考清光緒中邑拔貢陳嘉謨所記上杭

民食鹽欸頗詳其叙民食鹽之起原亦謂自明王文成運廣鹽通江西始畧言王公命上杭鄉賓陳幾伯名諫往潮酌所以裕餉通商疏銷利運杭之前人有鹽田在蓬洲煙島中爲獷悍所佔杭人莫能識諫乃日與場人謀真誠惻怛潮人感信始出金訂鹽場人利其引銷而售速欣然許之其鹽遂自大埔入杭北抵汀以至於贛叙述確鑿惟杭置鹽田於蓬洲舊無可考未詳引自何書未敢遽以爲據又言乾隆三十二年上杭衛縣主酌勻在城十七鋪丁口五萬有奇每月官埠發鹽三十隻每月每丁口買鹽一觔每觔價銀一分由四仔廠備價領買按月造具清冊如數報繳嘉慶三十四年商人爭價阮粵督奏定此鹽每觔制錢十七文埠延黃泥瀕局紳陳建綸辦理道光二十四年白砂舉人鄒揚芳在城增貢丘志曾相繼接辦每年分六

上杭縣志

卷廿四

鹽法志

七

上杭縣文書局承印

次散賣鹽隻不足則請補之咸豐年間在城副貢郭應階向埠包辦每年四十隻不繳埠價卽以此鹽作爲束脩於是始有官食役食及紳士鹽包衙門規費年分二次散賣仍請四仔廠店料理卷存鹽房所有丁口冊報繳清冊悉載卷中丘紳鹽館在岡背第四鋪五顯閣林懋本慕廬今改爲江家住屋嗣由陳接辦陳有接續辦理民鹽文畧云光緒十九年三月上杭來蘇里拔貢陳嘉謨辦里民食鹽欸案緣同治九年在城恩貢林含青向埠包辦不繳鹽價每年三十隻卽以散賣鹽錢作爲束脩比郭包辦又少十隻而官食役食之鹽有加無已文武衙規費日見日多每年二次散賣民食之鹽僅留一綫民無有過問者一則不知由來二則民間鹽價賤於十七文此項之鹽遂無人道及光緒十八年鹽價漲至三十六七文林未將此鹽發賣

致起風潮林人發押城紳又將十七文價牽混不能分別聲明賀縣主始將官民兩價合并通詳至九月間始往復詳明由陳接辦十二月初九日至十一日發賣三日當時鹽價每斤二十四文與此相差七文一時蜂擁爭買乃先將鹽册一萬八千餘丁每年每丁買鹽一斤照縣所給丁鹽票發給民皆無異詞陳所記述大畧如是玩其所記似與長志所載微異長志在咸豐初卽有向埠折價領銀之舉其領鹽不繳價可知而陳記杭民食鹽有發賣後如數報繳之語至郭應階向埠包辦減至年僅四十隻林含青繼之再減至年三十隻皆不繳鹽價作爲束脩已大異於長汀雖由在城當日人士貪圖小利爭包減少而又不詳考食鹽之起原以長爲鄰邑毗連咫尺同爲民食鹽事同一律亦不一詳查致全年之數不及長邑月三之一爲可

上杭縣志 卷廿四

鹽法志

八

上杭縣文書局承印

慨也民國後年僅領二十七隻以六隻爲縣立中學經費餘悉撥充城區小學經費當因學費難籌此鹽遂不散賣自由採辦後鹽埠已廢由鹽商繳納如故暴動後鹽不能過江西而地方又處處封鎖運銷已滯鹽商大公司皆失敗一二小商已乏雄厚資本而鹽價日貴視舊幾增十倍此項民食鹽近日遂致停頓末由向領查鹽所以騰貴之原因約有數端汀人所食名曰粵鹽而潮屬鹽田荒廢供不應求反采自閩之詔安名曰粵鹽實仍閩鹽向來詔安產鹽每百觔抽稅銀八十文民國初改福建鹽法道爲鹽運使在詔安每百觔抽稅銀元一圓此其騰貴原因一也有清末葉潮橋鹽餉年不過十餘萬今增至六七十萬或百萬此其騰貴原因二也汀鹽在峯市入口向無鹽釐民國初連城紳士鄧光瀛在峯倡辦保衛團議抽鹽釐每觔錢

四文其後辦團不成由福建鹽運使續收閩粵軍興而粵軍抽收又加重焉今雖撤去而各稅復起此其騰貴原因三也查汀屬鹽政在清初無所謂額引亦無所謂包商末葉後乃有之民國三四年間鑒於包商之壟斷力爭自由采辦其實奸商罔利自由采辦之弊與包商之弊一也乃名曰自由采辦而按餉投充與包商又無異論汀人所運之鹽多采自詔安則爲漳鹽在福建已抽一度之餉照鹽法規定無論何項機關不能別立名目抽收則汀屬之鹽采自詔安等處者潮橋自不得抽經過稅公路告成汀漳一軌轉輸已便課額畫一而鹽稅或有減輕之一日乎然自管子正鹽筴漢武權鹽稅後國家莫不視鹽爲歲入大利則鹽之減輕抑又難矣